



Jarida la

SIHA NA MAENDELEO

UTAWALA BORA

www.sihadc.go.tz

Mwezi Septemba 2023

Toleo la 7

Halmashauri ya Siha



BALOZI WA UTURUKI NCHINI TANZANIA DKT. MEHMET AFANYA ZIARA WILAYANI SIHA



Balozi wa Uturuki hapa Nchini Mhe. Dkt. Mehmet Gulluoglu tarehe 09 Septemba, 2023 akifungua mashine ya kusaga nafaka iliyotolewa kwa ufadhili wa Ubalozi huo kwa kikundi cha Wanawake Kata ya Sanya Juu. Jumla ya mashine tano zenye thamani ya zaidi ya shilingi milioni 7



UTURUKI ITAENDELEA KUSHIRIKIANA NA TANZANIA KATIKA SEKTA YA MAENDELEO



Balozi wa Uturuki nchini Tanzania Balozi Dkt. Mehmet Gulluoglu amesema uturuki itaendelea kushirikiana kwa karibu na Tanzania katika sekta ya maendeleo ili kufikia maono ya viongozi wa nchi zote mbili.

Balozi Dkt Mehmet amesema hayo September 09, 2023 katika hafla ya kukabidhi mashine tano za kusaga na kukoboa na majiko ya gesi mia tatu kwa wanawake wanaofanya kazi sekta ya afya ngazi ya Jamii, Wanawake Wajawazito na wahamasishaji wa Afya ya Mama na Mtoto vilivyotolewa na Taasisi ya Turkish Cooperation and Coordination Agency na ORYX kwa kushirikiana na Dr. Godwin Mollé Foundation ili kuhakikisha wanawake wanatumia Nishati Safi ya kupikia na kuepusha kujifungua Mtoto Mfu au kabla ya wakati.

Amesema kwa kushirikiana na serikali ya Tanzania wataendelea kuandaa mazingira ya watu kufanya kazi kwa bidii ikiwa ni pamoja na kuwapatia vitendea kazi kama mashine tano walizokabidhi katika vikundi vya wanawake wa Wilaya ya Siha ili kuleta maendeleo kwa Watanzania.

Balozi Dkt. Mehmet amesema maono ya Rais wa Tanzania dkt. Samia Suluhu Hassan ni kuifanya Tanzania ijitegemee kiuchumi, kisiasa na kijamii hivyo uturuki itaendelea kushirikiana na serikali ili kufikia maono hayo.

amesema miradi inayotekelezwa na Taasisi ya Turkish Cooperation and Coordination Agency (TiKA) inalenga kuisadia jamii kufanya kazi kwa bidii ili iweze kujitegemea.

Taasisi ya Turkish Cooperation and Coordination Agency (TiKA) na ORYX kwa kushirikiana na Dr. Godwin Mollé Foundation imewezesha kupatikana mashine tano za kusaga na kukoboa mahindi ili kuwawezesha wanawake kuongeza kipato pamoja na Mitungi Elfu Moja ya Gesi kwa lengo la kuhamasisha matumizi ya nishati safi ya kupikia itakayochangia kuepusha wanawake kujifungua mtoto mfu au kabla ya wakati.



Mkuu wa Wilaya ya Siha Dkt Christopher Timbuka (Kulia) akiteta jambo na Balozi wa Uturuki Nchini Tanzania balozi Dkt. Mehmet Gulluoglu (Kushoto) katika hafla ya kukabidhi mashine tano za kusaga na kukoboa mahindi na majiko mia tatu ya gesi kwa wanawake wanaofanya kazi wa afya ngazi ya Jamii, Wanawake Wajawazito na wahamasishaji wa Afya ya Mama na Mtoto vilivyotolewa na Taasisi ya Turkish Cooperation and Coordination Agency na ORYX kwa kushirikiana na Dr. Godwin Mollé Foundation ili kuhakikisha wanawake wanatumia Nishati Safi ya kupikia na kuepusha kujifungua Mtoto Mfu au kabla ya wakati iliyofanyika katika Ukumbi wa Makao Makuu ya Halmashauri ya Wilaya ya Siha



Matukio mbalimbali ya Balozi wa Uturuki nchini Tanzania Dkt Mehmet Gulluoglu akikabidhi moja ya mashine Tano za kusaga na kukoboa mahindi zilizotolewa na Taasisi ya Turkish Cooperation and Coordination Agency (TiKA) kwenye vikundi vya wanawake wa Wilaya ya Siha kwa kushirikiana na Dr. Godwin Mollel Foundation kwenye ziara yake Wilaya ya Siha ili kuwawezesha wanawake kufanya kazi na kujiongezea kipato.

Balozi Dkt Mehmet amewataka wanawake waliokabidhiwa mashine hizo kuzitumia kwa ajili ya kuboresha hali za maisha yao na kufanya kazi kwa bidii ili kufikia lengo lililokusudiwa la kupuuunguza au kumaliza kabisa hali ya umaskini katika ngazi ya familia na jamiii kwa ujumla.



Balozi wa Uturuki nchini Tanzania Dkt Mehmet Gulluoglu alipotembelea mashamba ya uwekezaji wa zao la parachichi la taasisi ya Africado yaliyopo kata ya Livish Wilaya ya Siha kwa lengo lakuona na kujifunzakuputoka kwa wawekezaji hao akiwa na Mkuu wa Wilaya ya Siha Dkt Christopher Timbuka, Katibu Tawala Jane Chalamila, Mwenyekiti wa halmashauri ya wilaya ya siha mhe. Duncan Urassa, Mkurugenzi Mtendaji wa Halmashauri ya Wilaya ya Siha Dkt Haji Mnasi na Wataalamu wa Wilaya ya Siha



Naibu Waziri wa Afya na Mbunge wa Jimbo la Siha Mhe. Dkt. Godwin Mollel (katikati) tarehe 3 Septemba,2023 akikabidhi vifaa tiba Hospitali ya Wilaya ya Siha vyenye thamani ya zaidi ya shilingi milioni 80 kwa ajili ya kusaidia Wanawake na watoto



Mganga Mkuu wa Wilaya ya Siha Dkt. Paschal Mbotta (kulia) tarehe 03 Septemba,2023 akipokea vifaa tiba katika Hospitali ya Wilaya ya Siha

NAIBU WAZIRI WA AFYA DKT MOLLEL AKABIDHI VIFAA TIBA VYENYE THAMANI YA ZAIDI YA MILIONI 80

"MHE. RAIS WETU ANATAKA KUPUNGUZA VIFO VYA MAMA NA MTOTO" - NAIBU WAZIRI MOLLEL



Naibu Waziri wa Afya na Mbunge wa Jimbo la Siha Mhe. Dkt Godwin Mollel amezishukuru Taasisi ya Kimataifa ya Rotary 1918 Winndsor Canada na Taasisi ya PANETA baada ya kukabidhi Ultrasound na vifaa tiba vingine vyenye thamani ya zaidi ya Shilingi milioni 80 katika Hospitali ya Wilaya ya Siha.

Naibu Waziri Mhe Dkt. mollel amesema hayo Septemba 03, 2023 katika hafla ya kumkabidhi Mkuu wa Wilaya ya Siha Mhe. Dkt Christopher Timbuka vifaa tiba hivyo iliyofanyika kwenye Hospitali ya Wilaya ya Siha ambapo amesema lengo la kukabidhi vifaa tiba katika Hospitali hiyo ni kuongeza ufanisi na ubora wa huduma zinazotolewa kwa mama na mtoto.

"Tumekuwa tukiomba watusaidie vifaa tiba katika maeneo mbalimbali ya nchi kwenye eneo la afya na hasa kwenye eneo la afya ya mama na mtoto ambalo ndio kipaumbele cha Mhe. Rais wetu, anataka kupunguza vifo vya mama na mtoto nchini" amesema Naibu Waziri Dkt Mollel

Naye, Mkuu wa Wilaya ya Siha Mhe Dkt. Christopher Timbuka amesema vifaa hivyo vitasaidia kurahisisha matibabu kwa wanawake zaidi ya 350 wa ndani ya wilaya na wengine zaidi ya 80 kutoka nje ya Wilaya wanaohudumia kila mwezi katika Hospitali ya Wilaya ya Siha.

Amesema vifaa tiba hivyo vitatumika kwa lengo lililokusudiwa la kuwahudumia wananchi wanaofika kutibiwa katika Hospitali ya Wilaya hali itakayosaidia kupunguza gharama za kufata huduma katika maeneo mengine nje ya Wilaya.

"Na sisi tutahakikisha kuwa tunavitunza ili viweze kuwahudumia watu wengi zaidi na watu waone manufaa ya vifaa hivi, na tunaishukuru sana Diplomasia ya Mhe. Rais wa Jamhuri ya Muungano wa Tanzania kwa sababu ndiyo inayotufanya tunakubalika kwa watu katika maeneo mbalimbali duniani" ameongeza Mhe. Dkt Timbuka.



Naibu Waziri wa Afya na Mbunge wa Jimbo la Siha Dkt Godwin Mollel (wa tatu kulia) na Mwakilishi wa Taasisi ya Kimataifa ya Rotary 1918 Winndsor kutoka nchini Canada Daktari Mkunga Andrea Cassidy (wa kwanza kushoto) Septemba 03, 2023 wakikagua maendeleo ya ujenzi wa majengo mapya na kumkabidhi Mkuu wa Wilaya ya Siha Mhe. Dkt Christopher Timbuka vifaa tiba hivyo iliyofanyika kwenye Hospitali ya Wilaya ya Siha kwa lengo la ni kuongeza ufanisi na ubora wa huduma zinazotolewa kwa mama na mtoto.

“WILAYA YA SIHA IKO SALAMA” – MKUU WA WILAYA DKT. CHRISTOPHER TIMBUKA

WILAYA YA SIHA IKO SALAMA



Mkuu wa Wilaya ya Siha Dkt. Christopher Timbuka amemshukuru aliyekuwa kamanda wa Polisi Wilaya ya Siha ACP Peter Majira kwa kuhakikisha Wilaya ya Siha inakuwa salama wakati wote.

Mkuu wa Wilaya Dkt Timbuka amesema hayo Septemba 09, 2023 katika hafla fupi ya kumuuga aliyekuwa Kamanda wa Polisi Wilaya ya Siha Kamishna Msaidizi ya Jeshi la Polisi Peter Majira aliyepanda cheo na kuhamishiwa Mkoa wa Singida kuwa Operational Officer na kumkaribisha Kamanda mpya wa Wilaya ya Siha Mrakibu Msaidizi wa Jeshi la Polisi Zakia Ally Shuma iliyofanyika katika ukumbi wa mikutano wa Kanisa Katoliki (RC) Kata ya Sanya Juu.

Amesema ushirikiano uliokuwepo baina yao viongozi, Askari na Wananchi umewezesha kuifanya Wilaya ya Siha mahali salama wakati wote

Naye, Kamishna Msaidizi wa Jeshi la Polisi Peter Majira amewashukuru Viongozi, Askari na Wananchi kwa ushauri na ushirikiano wao uliomuwezesha kutekeleza majukumu ya ulinzi na usalama wa Wilaya ya Siha kwa ufanisi.

“Wananchi, Viongozi na Askari hawa wameniwzesha kupanda cheo kwa sababu tu walitoa ushirikiano wa hali ya juu na Mkuu wa Wilaya nilikuwa nakufikishia yale ambayo yapo nje ya uwezo wangu na wewe hukusita kunishauri, hivyo nawashukuru sana” amesema ACP Majira.

Kwa upande wake, Kamanda mpya wa Jeshi la Polisi Wilaya ya Siha SSP Zakia Ally Shuma ameomba Viongozi, Askari na Wananchi wa Wilaya ya Siha waendeleo kushirikiana na Polisi ili Wilaya iwe salama wakati wote.



Mkuu wa Wilaya ya Siha Dkt Christopher Timbuka wa pili (Kulia kwenye picha ya kushoto) akiwa kwenye picha ya pamoja, na ACP Peter Majira (wa kwanza kulia), SSP Zakia Shuma (wa tatu kulia) na Katibu Tawala wa Wilaya ya Siha Jane Chalamila (wa kwanza kushoto) katika hafla fupi ya kumuuga aliyekuwa Kamanda wa Polisi Wilaya ya Siha Kamishna Msaidizi ya Jeshi la Polisi Peter Majira aliyepanda cheo na kuhamishiwa Mkoa wa Singida kuwa Operational Officer na kumkaribisha Kamanda mpya wa Wilaya ya Siha Mrakibu Msaidizi wa Jeshi la Polisi Zakia Ally Shuma iliyofanyika katika ukumbi wa mikutano wa Kanisa Katoliki (RC) Kata ya Sanya Juu

“WILAYA YA SIHA KITOVU CHA UTALII KILIMANJARO”- DKT MOLLEL



Naibu waziri wa afya na mbunge wa jimbo la siha Mhe. Dkt Godwin Mollel amesema Wilaya ya Siha ni kitovu cha utalii katika Mkoa wa Kilimanjaro na mtalii anapopita Wilaya ya Siha atafanya Utalii wa aina tatu kwa wakati mmoja.

Naibu waziri Mollel amesema hayo septemba 03, 2023baada ya kuwakaribisha wageni kutoka taasisi ya kimataifa ya Rotary 1918 Windsor Canada na taasisi ya PANETA katika eneo la asili la kupumzikia wageni (Osiligilai Maasai Lodge) lenye vivutio vya asili ya Kabila la Wamaasai iliyopo katika Kata ya Karansi Wilaya ya Siha.

Amesema mtalii anapopita Wilaya ya Siha atafanya utalii wa aina tatu kwa wakati mmoja ikiwa ni pamoja na Utalii wa Utamaduni (asili ya kabila la kimaasai), Utalii wa Kuona Wanyama mbalimbali wakiwemo Twiga, Pundamilia, Nyati, Tembo, Nyumbu, Simba, Swala na Ndege wa aina mbalimbali pamoja na utalii wa kuona na kupanda Mlima Kilimanjaro.

Naibu Waziri Dkt Mollel amesema viongozi wa Wilaya ya Siha wataendelea kutimiza adhama ya Rais wa Jamhuri ya Muungano wa Tanzania Dkt Samia Suluhu Hassan kuboresha Sekta ya Utalii ili iwe

chachu ya maendeleo kwa wananchi wa Wilaya ya Siha.



Naibu Waziri wa Afya na Mbunge wa Jimbo la Siha Mhe. Dkt Godwin Mollel (wa Nne Kulia) na Mkuu wa Wilaya ya Siha Mhe. Dkt Christopher Timbuka(tatu) wakiwa na wageni kutoka Taasisi ya Kimataifa ya Rotary 1918 Windsor Canada na Taasisi ya PANETA katika eneo la Osiligilai Maasai Lodge lenye vivutio cha utamaduni wa Kitanzania iliyopo Wilaya ya Siha Mkoa wa Kilimanjaro.



WANANCHI WILAYA YA SIHA WANUFAIKA NA HUDUMA ZA KIBINGWA KUTOKA HOSPITALI YA MKOA RUFEE - MAWENZI

WANANCHI WILAYA YA SIHA WANUFAIKA NA HUDUMA ZA KIBINGWA KUTOKA HOSPITALI YA RUFEE - MAWENZI



Wananchi wa Wilaya ya Siha na Maeneo Jirani wametakiwa kutumia fursa ya uwepo wa huduma za kibingwa katika Hospitali ya Wilaya ya Siha zinazotolewa na Madaktari Bingwa kutoka Hospitali ya Rufaa ya Mkoa wa Kilimanjaro Mawenzi ili kupata vipimo na matibabu ya kibingwa ili kuimarisha afya zao.

Wito huo umetolewa leo Septemba 04, 2023 na Daktari Bingwa wa Magonjwa ya Ndani na Mganga Mfawidhi wa Hospitali ya Rufaa ya Mkoa wa Kilimanjaro Mawenzi Dkt Edna-Joy Munisi wakati wa kutoa huduma za Kibingwa katika Hospitali ya Wilaya ya Siha kuanzia leo Septemba 04 hadi 09 kwa wananchi wa Wilaya ya Siha na Maeneo Jirani.

"Huduma zote za Kibingwa ambazo zinapatikana katika Hospitali ya Rufaa ya Mkoa wa Kilimanjaro Mawenzi kwa wiki hii zitapatikana katika Hospitali ya Wilaya ya Siha lengo kubwa ni kufanikisha adhema ya Mhe. Rais wetu Dkt Samia Suluhu Hassan la kusogeza Huduma za Kibingwa karibu na wananchi" Amesema Daktari Bingwa Munisi

Naye, Daktari Bingwa Magonjwa ya Macho wa Hospitali ya Rufaa Mkoa wa Kilimanjaro Mawenzi Dkt Peter Mlundwa ameiombwa serikali iendelee kuwawezesha wataalamu wa afya ili Madaktari Bingwa waendeleo kuwasogezea huduma za kibingwa wananchi na kuwawezesha ujuzi wataalamu katika ngazi za chini hali itakayowezesha kugundua magonjwa kabla hayajafikia hatua zenye gharama zaidi za matibabu.



Madaktari Bingwa kutoka Hospitali ya Rufaa ya Mkoa wa Kilimanjaro Mawenzi wakitoa huduma za kibingwa katika Hospitali ya Wilaya ya Siha ni magonjwa ya Macho, Mifupa, Magonjwa ya Ndani, Mama na Mtoto na Upasuaji wa Kawaida kuanzia Septemba 04 hadi 09 kwa wananchi wa Wilaya ya Siha na Maeneo Jirani.

Mganga Mkuu wa Wilaya ya Siha Dkt Paschal Mbota amesema Huduma za Kibingwa zinazotolewa na

Madaktari Bingwa Hospitali ya Rufaa ya Mkoa wa Kilimanjaro Mawenzi kwenye Hospitali ya Wilaya ya Siha kwa wiki nzima kwa wananchi zinalenga kuwapunguzia gharama wananchi wanaohitaji Huduma za Kibingwa ambapo serikali imeelekeza Huduma za Kibingwa ziwafuate wananchi katika maeneo yao hivyo Madaktari Bingwa wa Hospitali ya Rufaa ya Mkoa wa Kilimanjaro Mawenzi watatoa huduma kwa wananchi wa Wilaya ya Siha.

BARAZA LA BIASHARA WILAYA YA SIHA MKOA WA KILIMANJARO TAREHE 12 SEPTEMBER ,2023



Mkuu wa wilaya ya Siha Mhe. Dkt. Christopher Timbuka akizungumza Septemba 12, 2023 katika Kikao cha Baraza la Biashara la Wilaya ya Siha kilichofanyika Ukumbi wa Mikutano wa Makao Makuu ya Halmashauri ya Wilaya ya Siha.

Mkuu wa Wilaya ya Siha Mhe. Dkt. Christopher Timbuka amewataka Wafanyabiashara katika Wilaya ya Siha kuendelea kushirikiana katika utoaji wa elimu ya matumizi sahihi ya vipimo na mfumo mpya wa Serikali wa TAUSI unaowawezesha kupata huduma za Serikali bila kufika ofisini.

Dkt. Timbuka amesema hayo Septemba 12, 2023 katika Kikao cha Baraza la Biashara la Wilaya ya Siha kilichofanyika katika Ukumbi wa Mikutano wa Makao Makuu ya Halmashauri ya Wilaya ya Siha ambapo amesema lengo la utoaji wa elimu hiyo ni kupunguza kero na kurahisisha ufanyaji wa biashara katika Wilaya ya Siha

Amewataka wafanya biashara kutumia fursa za uwekezaji zilizopo katika wilaya ya siha ili kukuza kipato cha wananchi na serikali kwa ujumla na serikali itaendelea kushughulikia changamoto zinazoibuka kwenye sekta ya biashara ili wananchi wafanye biashara bila kikwazo

Kwa upande wake, Mkurugenzi Mtendaji wa Halmashauri ya Wilaya ya Siha Dkt Haji Mnasi amesema Wilaya ya Siha inazo fursa nyingi za uwekezaji kwenye Sekta ya Utalii, Kilimo na Biashara hivyo wananchi na wafanyabiashara wanatakiwa kuzichangamkia



Baadhi ya Wafanya Biashara wameishauri Serikali Wilaya ya Siha kupitia Kitengo cha Biashara na Divisheni ya Kilimo, Umwagiliaji na Ushirika kuendelea kutoa elimu kwa wananchi kutumia mizani kupima mazao yao wakati wa kuuza na kuimarisha mahusiano mema baina ya Wafanya Biashara ya Serikali.



**WANAFUNZI 3042 DARASA LA SABA WILAYA YA SIHA WAFANYA MTIHANI WA TAIFA
KUMALIZA ELIMU YA MSINGI 2023 - PSLE**



Dkt. Haji Mnasi Mkurugenzi Mtendaji

Mkurugenzi Mtendaji wa Halmashauri ya Wilaya ya Siha Dkt Haji Mnasi amesema jumla ya Wanafunzi 3042 ikiwa Wavulana ni 1443 na Waschana ni 1599 wa Darasa la Saba katika Wilaya ya Siha watafanya mitihani ya kitaifa ya kumaliza elimu ya msingi (PSLE) kwa mwaka 2023.

Dkt. Mnasi amesema hayo Septemba 12, 2023 wakati akizungumzia hatua iliyofikiwa kwenye maandalizi katika Vituo 62 (Serikali 54 na Binafsi 8) vya Mitihani utakaofanyika Septemba 13 – 14, 2023 ambapo amesema maandalizi yamekamilika kwenye eneo la usimamizi, ulinzi na usalama utakaowawezesha wanafunzi kufanya Mtihani bila bughuza yoyote.

Amewataka Wazazi na Walezi kuongeza upendo na ukaribu kwa watoto watakaokuwa wanafanya mtihani ili kuwawezesha kuwa na utulivu wakati wote wa mitihani huku akiwaomba wasimamizi kuwa waadilifu, waaminifu na wenye nidhamu wakati wote wanapotimiza wajibu wao.

“Kutakuwa na matokeo mazuri kama usimamizi utakuwa vizuri na wale watakaofanikiwa kuendelea ngazi ya sekondari watakuwa ni wale ambao wametumia vizuri uwezo wao na wataliwezesha taifa kuwa na watahiniwa ambao wamepitia vigezo na viwango vyote“ Amesema Dkt. Mnasi

FURSA ZA UTALII KATIKA WILAYA YA SIHA MKOA WA KILIMANJARO



Balozi wa Uturuki hapa Nchini Tanzania Dkt. Mehmet Gulluoglu tarehe 09 Septemba 2023 alipotembelea bustani ya Wanyama Pori Serval Wildlife iliyopo Wilaya ya Siha Mkoa wa Kilimanjaro






Mwenyekiti wa Halmashauri ya Wilaya ya Siha Mhe.Duncan Urassa akiwa katika Bustani ya wanyama Pori Serval Wildlife tarehe 09 Septemba 2023 katika ziara ya Balozi wa Uturuki Wilayani Siha Mkoa wa Kilimanjaro



Balozi wa Uturuki Mhe. Dkt. Mehmet Gulluoglu (katikati) akiwa na Mkuu wa Wilaya ya Siha Mhe.Dkt.Christopher Timbuka (tatu kushoto) pamoja na viongozi wengine alipofanya ziara ya siku moja katika Wilaya ya Siha mkoa wa Kilimanjaro tarehe 09 Septemba 2023



**JARIDA MTANDAO LA HALMASHAURI YA WILAYA
YA SIHA LIMEANDALIWA NA KITENGO CHA
MAWASILIANO SERIKALINI**

**Mkurungenzi Mtendaji wa Halmashauri ya Wilaya ya Siha
5-BR Elerai- Sanya Juu S.L.P 129,25482 siha
Simu Na +027-2970677, Nukushi +027-2970677
Barua Pepe: ded@sihadc.go.tz, Tovuti: www.sihadc.go.tz**

Tunapatikana

